

SCRIPTA

Numéro Scripta : 2709

Auteur(s) : Guillaume de Saint-Quentin, recteur de Dancé [autre]

Bénéficiaire(s) : Saint-Martin-du-Vieux-Bellême, Saint-Martin, dépendance Saint-Martin de Marmoutier (prieuré)

Genre d'acte : charte

Authenticité : non suspect

Datation : 1272

Action juridique : autre

Langue du texte : latin

Analyse

Reconnaissance envers le prieur de Saint-Martin. par Guillaume de Saint-Quentin, curé de Dancé, d'un cens annuel de cinq sols pour un hébergement sis à Dancé.

Tableau de la tradition

Éditions principales

a. Barret Philibert (Abbé), *Cartulaire de Marmoutier pour le Perche*, Mortagne-au-Perche, Meaux (Documents sur la province du Perche ; 3e série, 2), 1894, n° 221, p. 209-210.

Texte établi d'après a

Universis presentes litteras inspecturis Guillelmus de Sancto Quintino presbiter, rector ecclesie de Danceio, salutem in Domino.

Noveritis quod ego debeo viro religioso et honesto priori Sancti Martini de Veteri Belismo, qui pro tempore erit, quinque solidos annui census turonenses, super quodam herbergamento sito in villa sua de Danceio, quod ego teneo ab eodem priore qui michi tradidit illud herbergamentum vita mea comite possidendum ; quem censum ego dictus Guillelmus presbiter teneor reddere dicto priori quamdiu vixero, in festo beati Leonardi, et deferre ad ecclesiam ejusdem sancti apud Belismum annuatim. Ita quod si ego dictus Guillelmus presbiter dictum censum dicto priori in dicto festo sancti Leonardi in dicto loco delatum annis singulis integre non reddiderim, dictus prior et ejus mandatum in dicto herbergamento poterunt capere et tenere, sine mei aliqua contradictione, donec de dicto censu et de emenda censuali eidem priori fuerit plenarie satisfactum, quia dictus prior in dicto herbergamento, quod michi ad vitam meam tradidit, habet et retinet omne jus et dominium, justiciam et districtum, exercendo et faciendo in quocumque casu fieri accidit, tanquam in aliis suis burgesiis de Danceio, et tanquam in alio suo feodo laicali. Ad quod tenendum firmiter dicto priori ego predictus Guillelmus presbiter obligo me et bona mea per presentes litteras, quas eidem contuli in sigillo ecclesie sigillatas. Insuper ego Gaufridus, decanus Belismensis, ad petitionem utriusque partis, sigillum decanatus presentibus litteris apponere dignum duxi in predictorum omnium confirmationem, et testimonium, et munimen.

Actum anno Domini M° CC° septuagesimo secundo.